

十三經

商務印書館發行

春秋左傳

隱公

閔惠公元妃孟子孟子卒巖室以聲子生隱公宋武公生仲子仲子生而有文在其手曰爲魯夫人故仲子歸于我生桓公而惠公薨是以隱公立而奉之

隱元年春王正月○三月公及邾儀父盟于蔑○夏五月鄭伯克段于鄆○秋七月天王使宰咺來歸惠公仲子之贈○九月及宋人盟于宿○冬十有二月巖伯來○公子益師卒

隱元年春王周正月不書卽位攝也○三月公及邾儀父國于蔑邾子克也未王命故不書爵曰儀父貴之也公攝位而欲求好於邾故爲蔑之盟○夏四月費伯帥師城郎不書非公命也○初鄭武公娶于申曰武姜生莊公及共叔段莊公寤生驚姜氏故名曰寤生遂惡之愛共叔段欲立之亟請於武公公弗許及莊公卽位爲之請制公曰制巖邑也虢叔死焉佗邑唯命請京使居之謂之京城大叔巖仲曰都城過百雉國之害也先王之制大鄭不過參隱之一中五之一小九之一今京不度非制

也君將不堪公曰姜氏欲之焉辟害對曰姜氏何厭之有不如早爲之所無使滋蔓蔓難圖也蔓草猶不可除況君之寵弟乎公曰多行不義必自斃子姑待之既而大叔命西鄙北鄙貳於己公子呂曰國不堪貳君將若之何欲與大叔臣請事之若弗與則請除之無生民心公曰無庸將自及大叔又收貳以爲己邑至于廩延子封曰可矣厚將得衆公曰不義不暱厚將崩大叔完聚繕甲兵具卒乘將襲鄭夫人將啓之公聞其期曰可矣命子封帥車二百乘以伐京京叛大叔段段入于鄆公伐諸鄆五月辛丑大叔出奔共書曰鄭伯克段于鄆段不弟故不言弟如二君故曰克稱鄭伯譏失教也謂之鄭志不言出奔難之也遂寘姜氏于城穎而誓之曰不及黃泉無相見也既而悔之穎考叔爲穎谷封人聞之有獻於公公賜之食食舍肉公問之對曰小人有母皆嘗小人之食矣未嘗君之羹請以遺之公曰爾有母遺繫我獨無穎考叔曰敢問何謂也公語之故且告之悔對曰君何患焉若闕地及泉隧而相見其誰曰不然公從之公人而賦大隧之中其樂也融融姜出而賦大隧之外其樂也洩洩遂爲母子如初君子曰穎考叔純孝也愛其母施及莊公詩曰孝子不匱永錫爾

類其是之謂乎○秋七月天王使宰咺來歸惠公仲子之賵緩且子氏未薨斂名天子七月而葬同軌畢至諸侯五月同盟至大夫三月同位至士踰月外姻至贈死不及尸弔生不及哀豫凶畢非禮也○八月紀人伐夷夷不告故不書有蜚不爲災亦不書惠公之季年敗宋師于黃公立而求成焉九月及宋人盟于宿始通也○冬十月庚申改葬惠公公弗臨故不書惠公之薨也有宋師太子少葬故有闕是以改葬○衛侯來會葬不見公亦不書○鄭共叔之亂公孫滑出奔衛衛人爲之伐鄭取廩延鄭人以王師虢師伐衛南鄙請師於鄭紀子使私於公子豫豫請往公弗許遂行及鄭人鄭人盟于翼不書非公命也○新作南門不書亦非公命也○十二月祭伯來非王命也○衆父卒公不與小斂斂不書日

經二年春公會戎于潛○夏五月莒人入向○無駭帥師入極○秋八月庚辰公及戎盟于唐○九月紀裂繻來逆女○冬十月伯姬歸于紀○紀子帛莒于盟于密○十有二月乙卯夫人子氏薨○鄭人伐衛

經二年春公會戎于潛修惠公之好也戎請盟公辭○莒子娶于向向姜不安莒而

歸夏莒人入向以姜氏還○司空無駭入極費序父勝之○戎請盟秋盟于唐復修戎好也○九月紀裂繻來逆女卿爲君逆也○冬紀子帛莒子盟于密魯故也○鄭人伐衛討公孫滑之亂也

隱三年春王二月己巳日有食之○三月庚戌天王崩○夏四月辛卯君氏卒○秋武氏于來求賻○八月庚辰宋公和卒○冬十有二月齊侯鄭伯盟于石門○癸未葬宋穆公

隱三年春王三月壬戌平王崩赴以庚戌故書之○夏君氏卒聲子也不赴於諸侯不反哭于寢不祔于姑故不曰薨不稱夫人故不言葬不書姓爲公故曰君氏○鄭武公莊公爲平王卿士王貳于虢鄭伯怨王王曰無之故周鄭交質王子狐爲質於鄭鄭公子忽爲質於周王崩周人將畀虢公政四月鄭祭足帥師取溫之麥秋又取成周之禾周鄭交惡君子曰信不由中質無益也明恕而行要之以禮雖無有質誰能間之苟有明信澗谿沼沚之毛蘋蘩蕓蒨之菜筐筥錡釜之器潢汙行潦之水可薦於鬼神可羞於王公而況君子結二國之信行之以禮又焉用質風有采繁采蘋

雅有行葦洞酌昭忠信也○武氏子來求賻王未葬也○宋穆公疾召大司馬孔父而屬殤公焉曰先君舍與夷而立寡人寡人弗敢忘者以大夫之靈得保首領以沒先君若問與夷其將何辭以對請于奉之以主社稷寡人雖死亦無悔焉對曰羣臣願奉馮也公曰不可先君以寡人爲賢使主社稷若棄德不讓是廢先君之舉也豈曰能賢光昭先君之令德可不務乎吾于其無廢光君之功使公子馮出居於鄭八月庚辰宋穆公卒殤公卽位君子曰宋宣公可謂知人矣立穆公其子饗之命以義夫商頌曰親受命咸宜百祿是荷其是之謂乎○冬齊鄭廢于石門尋廢之盟也庚戌鄭伯之車償于濟○衛莊公娶于齊來宮得臣之妹曰莊姜美而無子衛人所爲賦碩人也又娶于陳曰厲嬀生孝伯早死其嬀戴嬀生桓公莊姜以爲己子公于州吁嬖人之子也有寵而好兵公弗禁莊姜惡之石碏諫曰臣聞愛于教之以義方弗納于邪驕奢淫佚所自邪也四者之來寵祿過也將立州吁乃定之矣若猶未也階之爲禍夫寵而不驕驕而能降降而不憾憾而能眇者鮮矣且夫賤妨貴少陵長遠間親新聞舊小加大淫碩義所謂六逆也君義臣行父慈子孝兄愛弟敬所謂六順

也去順效逆所以速禍也君人者將禍是務去而速之無乃不可乎弗聽其子厚與州吁游禁之不可桓公立乃老

經四年春王二月莒人伐杞取牟婁○戊申衛州吁弑其君完○夏公及宋公遇于清○宋公陳侯蔡人衛人伐鄭○秋鞏帥師會宋公陳侯蔡人衛人伐鄭○九月衛人殺州吁于濮○冬十有二月衛人立晉

隱四年春衛州吁弑桓公而立公與宋公爲會將尋宿之盟未及期衛人來告亂○夏公及宋公遇于清○宋殤公之卽位也公子馮出奔鄭鄭人欲納之及衛州吁立將脩先君之怨於鄭而求寵於諸侯以和其民使告於宋曰君若伐鄭以除君害君爲主敵邑以賦與陳蔡從則衛國之願也宋人許之於是陳蔡方陳於衛故宋公陳侯蔡人衛人伐鄭圍其東門五日而還公問於衆仲曰衛州吁其成乎對曰臣聞以德和民不聞以亂以亂猶治絲而棼之也夫州吁阻兵而安忍阻兵無衆安忍無親衆叛親離難以濟矣夫兵猶火也弗戢將自焚也夫州吁弑其君而虐用其民於是乎不務令德而欲以亂成必不免矣○秋諸侯復伐鄭宋公使來乞師公辭之羽父

請以師會之公弗許固請而行故書曰輦帥師疾之也諸侯之師敗鄭徒兵取其禾而還○州吁未能和其民厚問定君於石子石子曰王觀爲可曰何以得觀曰陳桓公方有寵於王陳衛方睦若朝陳使請必可得也厚從州吁如陳石碯使告于陳曰衛國褊小老夫耄矣無能爲也此二人者實弑寡君敢卽圖之陳人軌之而請洺于衛九月衛人使右宰醜洺殺州吁于濮石碯使其宰孺羊肩泚殺石厚子陳君子曰石碯純臣也惡州吁而厚與焉大義滅親其是之謂乎○衛入逆公子晉于邢冬十二月宣公卽位書曰衛入立晉衆也

隱五年春公矢魚于棠○夏四月葬衛桓公○秋衛師入郕○九月考仲子之宮初獻六羽○邾人鄭人伐宋○螟○冬十有二月辛巳公子驅卒○宋人伐鄭圍長葛○五年春公將如棠觀魚者臧僖伯諫曰凡物不足以講大事其材不足以備器用則君不舉焉君將納民於軌物者也故講事以度軌量謂之軌取材以章物采謂之物不軌不物謂之亂政亂政亟行所以敗也故春蒐夏苗秋獮冬狩皆於農隙以講事也三年而治兵入而振旅歸而飲至以數軍實昭文章明貴賤辨等列順少長實

威儀也鳥獸之肉不登於俎皮革齒牙骨角毛羽不登於器則公不射古之制也若夫山林川澤之實器用之資阜隸之事官司之守非君所及也公曰吾將略地焉遂往陳魚而觀之僖伯稱疾不從書曰公矢魚于棠非禮也且言遠地也○曲沃莊伯以鄭人邢人伐翼王使尹氏武氏助之翼侯奔隨○夏葬衛桓公衛亂是以緩○四月鄭人侵衛牧以報東門之役衛人以燕師伐鄭鄭祭足原繁洩駕以三軍軍其前使曼伯與子元潛軍軍其後燕人畏鄭三軍而不虞制入六月鄭二公子以制人敗燕師于北制君子曰不備不虞不可以師○曲沃叛王秋王命虢公伐曲沃而立哀侯于翼○衛之亂也鄭人侵衛故衛師入鄭○九月考仲子之宮將萬焉公問羽數於衆仲對曰天子用八諸侯用六大夫四士二夫舞所以節八音而行八風故自八以下公從之於是初獻六羽始用六佾也○宋人取郕田郕人告於鄭曰請君釋憾於宋敝邑爲道鄭人以王師會之伐宋入其郕以報東門之役宋人使來告命公聞其入郕也將救之間於使者曰師何及對曰未及國公怒乃止辭使者曰君命寡人同恤社稷之難今問諸使者曰師未及國非寡人之所敢知也○冬十二月辛巳臧

僖伯卒公曰叔父有憾於寡人寡人弗敢忘葬之加一等○宋人伐鄭國長葛以報入郛之役也

閏六年春鄭人來渝平○夏五月辛酉公會齊侯盟于艾○秋七月○冬宋人取長葛

閏六年春鄭人來渝平更成也○襄九宗五正頃父之于嘉父逆晉侯于隨納諸郛晉人謂之郛僖○夏盟于艾始平于齊也○五月庚申鄭伯侵陳大猶往歲鄭伯請成于陳陳侯不許五父諫曰親仁善鄰國之寶也君其許鄭諫侯曰宋衛實難鄭何能爲遂不許君子曰善不可失惡不可長其陳桓公之謂乎長惡不悛從自及也雖欲救之其將能乎商書曰惡之易也如火之燎于原不可鄉饑其猶可撲滅周任有言曰爲國家者見惡如農夫之務去草焉芟夷蘊崇之絕其本根勿使能殖則善者信矣○秋宋人取長葛○冬京師來告饑公爲之請饘於宋衛齊鄭禮也○鄭伯如周始朝桓王也王不禮焉周桓公言於王曰我周之東遷晉鄭焉依善鄭以勸來者猶懼不饘況不禮焉鄭不來矣

經七年春王三月叔姬歸于紀○滕侯卒○夏城中丘○齊侯使其弟年來聘○秋公伐邾○冬天王使凡伯來聘戎伐凡伯于楚丘以歸

圖七年春滕侯卒不書名未同盟也凡諸侯同盟於是稱名故薨則赴以名告終嗣也以繼好息民謂之禮經○夏城中丘書不時也○齊侯使夷仲年來聘結艾之盟也○秋宋及鄭平七月庚申盟于宿公伐邾爲宋討也○初戎朝于周發幣于公卿凡伯弗賓冬王使凡伯來聘還戎伐之于楚丘以歸○陳及鄭平十二月陳五父如鄭洧盟壬申及鄭伯盟畎如忘洧伯曰五父必不免不賴盟矣鄭良佐如陳洧盟辛巳及陳侯盟亦知陳之將亂也○鄭公子忽在王所故陳侯請妻之鄭伯許之乃成昏

圖八年春宋公衛侯遇于垂○三月鄭伯使宛來歸祔庚寅我人祔○夏六月己亥蔡侯考父卒辛亥宿男卒○秋七月庚午宋公齊侯衛侯盟于瓦屋○八月葬蔡宣公○九月辛卯公及莒人盟于浮來○螟○冬十有二月無駭卒

圖八年春齊侯將平宋衛有會期宋公以幣請於衛請先相見衛侯許之故遇于犬

上○鄭伯請釋泰山之祀而祀周公以泰山之祓易許田三月鄭伯使宛來歸祓不祀泰山也○夏虢公忌父始作卿士于周○四月甲辰鄭公子忽如陳逆婦媯辛亥以媯氏歸甲寅入于鄭陳鍼子送女先配而後祖鍼子曰是不爲夫婦誣其祖矣非禮也何以能育○齊人卒平宋衛于鄭秋會于溫盟于瓦屋以釋東門之役禮也○八月丙戌鄭伯以齊人朝王禮也○公及莒人盟于浮來以成紀好也○冬齊侯使來告成三國公使衆仲對曰君釋三國之圖以鳩其民君之惠也寡君聞命矣敢不承受君之明德○無駭卒羽父請讎與族公問族於衆仲衆仲對曰天子建德因生以賜姓胙之土而命之氏諸侯以卒爲讎因以爲族會有世功則有官族邑亦如之公命以字爲展氏

○九年春天子使南季來聘○三月癸酉大雨震電庚辰大雨雪挾卒○夏城郎○秋七月○冬公會齊侯于防

○九年春王三月癸酉大雨霖以震書始也庚辰大雨雪亦如之書時失也凡雨自三日以往爲霖平地尺爲大雪○夏城郎書不時也○宋公不王鄭伯爲王左卿士

以王命討之伐宋宋以入郛之役怨公不告命公怒絕宋使○秋鄭人以王命來告伐宋○冬公會齊侯于防謀伐宋也○北戎侵鄭鄭伯禦之患戎師曰彼徒我車懼其侵軼我也公子突曰使勇而無剛者嘗寇而速去之君爲三覆以待之戎輕而不整貪而無親勝不相讓敗不相救先者見獲必務進進而遇覆必速奔後者不救則無繼矣乃可以逞從之戎人之前遇覆者奔祝聘逐之衷戎師前後擊之盡殪戎師大奔十一月甲寅鄭人大敗戎師

○十年春王二月公會齊侯鄭伯于中丘○夏蜚帥師會齊人鄭人伐宋○六月壬戌公敗宋師于菅辛未取郛辛巳取防○秋宋人衛人入鄭宋人蔡人衛人伐戴鄭伯伐取之○冬十月壬午齊人鄭人入郛

○十年春王正月公會齊侯鄭伯于中丘癸丑盟于鄧爲師期○夏五月羽父先會齊侯鄭伯伐宋○六月戊申公會齊侯鄭伯于老桃壬戌公敗宋師于菅庚午鄭師入郛辛未歸于我庚辰鄭師入防辛巳歸于我君子謂鄭莊公於是乎可謂正矣以王命討不庭不貪其土以勞王爵正之體也○蔡人衛人郛人不會王命○秋七月

度寅鄭師入郊猶在郊宋人衛人入鄭蔡人從之伐滕八月壬戌鄭伯圍戴癸亥克之取三師焉宋衛既入鄭而以伐戴召蔡人蔡人怒故不和而敗○九月戊寅鄭伯入宋○冬齊人鄭人入郕討違王命也

閏十有一年春滕侯薛侯來朝○夏公會鄭伯于時來○秋七月壬午公及齊侯鄭伯入許○冬十有一月壬辰公薨

閏十一年春滕侯薛侯來朝爭長薛侯曰我先封滕侯曰我周之卜正也薛庶姓也我不可以後之公使羽父請於薛侯曰君與滕君尋在寡人周諺有之曰山有木工則度之寶有禮主則擇之周之宗盟異姓爲後寡人若朝于薛不敢與諸任齒君若辱賜寡人則願以滕君爲請薛侯許之乃長滕侯○夏公會鄭伯于邾謀伐許也鄭伯將伐許五月甲辰授兵于大宮公孫願與穎考叔爭車穎考叔挾輜以走子都拔棘以逐之及大遽弗及子都怒○秋七月公會齊侯鄭伯伐許庚辰傳于許穎考叔取鄭伯之旗蜚弧以先登子都自下射之顛瑕叔盈又以蜚弧登周墜而呼曰君登矣鄭師畢登壬午遂入許許莊公奔衛齊侯以許讓公公曰君謂許不共故從君討

之許既伏其罪矣雖君有命寡人弗敢與聞乃與鄭人鄭伯使許大夫百里奉許叔以居許東偏曰天禍許國鬼神實不逞于許君而假手于我寡人寡人唯是一二父兄不能共億其敢以許自爲功乎寡人有弟不能和協而使餬其口於四方其況能久有許乎吾子其奉許叔以撫柔此民也吾將使獲也佐吾子若寡人得沒于地天其以禮悔禍于許無寧茲許公復奉其社稷唯我鄭國之有請謁焉如舊昏媾其能降以相從也無滋他族實偪處此以與我鄭國爭此土也吾子孫其覆亡之不暇而況能禋祀許乎寡人之使吾子處此不唯許國之爲亦聊以固吾圉也乃使公孫獲處許西偏曰凡而器用財賄無寘於許我死乃亟去之吾先君新邑於此王室而既卑矣周之子孫日失其序夫許大岳之胤也天而旣厭周德矣吾其能與許爭乎君子謂鄭莊公於是乎有禮禮經國家定社稷序民人利後嗣者也許無刑而伐之服而舍之度德而處之量力而行之相時而動無累後人可謂知禮矣○鄭伯使卒出緘行出犬雞以詛射潁考叔者君子謂鄭莊公失政刑矣政以治民刑以正邪旣無德政又無威刑是以及邪邪而詛之將何益矣○王取鄆劉蔭邾之田于鄭而與鄭

人蘇忿生之田溫原絺樊隰郟攢茅向盟州陘隕懷君子是以知桓王之失鄭也恕而行之德之則也禮之經也已弗能有而以與人人之不至不亦宜乎○鄭息有違言息侯伐鄭鄭伯與戰于竟息師大敗而還君子是以知息之將亡也不度德不量力不親親不徵辭不察有罪犯五不韙而以伐人其喪師也不亦宜乎○冬十月鄭伯以虢師伐宋壬戌大敗宋師以報其入鄭也宋不告命故不書凡諸侯有命告則書不然則否師出臧否亦如之雖及滅國滅不告敗勝不告克不書于策○羽父請殺桓公將以求大宰公曰爲其少故也吾將授之矣使營菟裘吾將老焉羽父懼反譖公于桓公而請弑之公之爲公于也與鄭人戰于狐壤止焉鄭人囚諸尹氏賂尹氏而禱於其主鍾巫遂與尹氏譖而立其主十一月公祭鍾巫齊于社園館于寫氏壬辰羽父使賊弑公于寫氏立桓公而討寫氏有死者不書葬不成喪也

桓公

繼元年春王正月公卽位○三月公會鄭伯于垂鄭伯以璧懷許田○夏而月丁未公及鄭伯盟于越○秋大水○冬十月

閔元年春公即位修好于鄭鄭人請復祀周公卒易祊田公許之三月鄭伯以璧假許田爲周公祊故也○夏四月丁未公及鄭伯盟于越結祊成也盟曰渝盟無享國○秋大水凡平原出水爲大水○冬鄭伯拜盟○宋華父督見孔父之妻于路目逆而送之曰美而豔

閔二年春王正月戊申宋督弑其君與夷及其大夫孔父○滕子來朝○三月公會齊侯陳侯鄭伯于稷以成宋亂○夏四月取郕大鼎于宋戊申納于大廟○秋七月杞侯來朝○蔡侯鄭伯會于鄆○九月入杞○公及戎盟于唐冬公至自唐

閔二年春宋督攻孔氏殺孔父而取其妻公怒督懼遂弑殤公君子以督爲有無君之心而後動於惡故先書弑其君會于稷以成宋亂爲賂故立華氏也宋殤公立十年十一戰民不堪命孔父嘉爲司馬督爲大宰故因民之不堪命先宣言曰司馬則然已殺孔父而弑殤公召莊公于鄭而立之以親鄭以郕大鼎賂公齊陳鄭皆有賂故遂相宋公夏四月取郕大鼎于宋戊申納于大廟非禮也臧哀伯諫曰君人者將昭德塞違以臨照百官猶懼或失之故昭令德以示于孫是以清廟茅屋大路越席